

# ARBEIDSPLAN 2017

## VALLDAL IDRETTSLAG

Valldal Idrettslag bygg si drift og aktivitet etter visjonen  
”vi kan – vi VIL”

Utifrå tilgjengelege ressursar vil Valldal Idrettslag arbeide for å legge til rette for at alle skal kunne utøve fysisk aktivitet med bakgrunn i den enkelte sine ønskjer og behov.

All aktivitet skal bygge på norsk idrett sine grunnverdiar glede, fellesskap, helse og ærlegheit. Arbeid skal vere prega av frivilligheit, demokrati, lojalitet og likeverd.

### Arbeidsområder 2017

#### **Organisasjon**

Valldal IL skal ha ein organisasjon som støttar opp under aktivitet på ulike nivå i laget.

Arbeidsbelastning skal i størst mogeleg grad fordelast

Tiltak 2017 -

- utarbeide omtale av dei ulike funksjonar i styre/gruppestyre
- utarbeide årshjul som viser dei ulike oppgåver og fristar ein må ta omsyn gjennom året
- styremedlemmar og tillitsvalde skal ha nødvendig kunnskap for å ivareta sine funksjonar
- det skal vurderast om det grunnlag for å opprette lønna sekretærfunksjon. Det må særleg leggast vekt på økonomien i ei slik vurdering.
- starte arbeid fram mot 100 års jubileet i 2019
- starte arbeid med ”Bygdemobilisering” dersom det vert innvilga støtte frå Fylkesmannen i Møre og Romsdal.

#### **Anlegg-utstyr**

Valldal IL skal til ei kvar tid ha anlegg og utstyr tilgjengeleg som samvarar med dei aktivitetar som laget driv. Det skal leggast vekt på vedlikehald og driftsrutiner.

Tiltak 2017 -

- utarbeide drifts- og vedlikehaldsplan
- lønna personale til reinhald og vedlikehald. Det skal vere avtalar og instruksar for arbeidet
- gjennomgå forsikringar for utstyr, bygg og anlegg
- måling av klubbhuset utvending
- oppgradere golvet i salen på klubbhuset
- skifte taklys i salen på klubbhuset
- tiltak akustikk i salen på klubbhuset
- starte med fornying av inventar (bord-stolar) på klubbhuset
- innreie loft på trakkemaskingarasje
- oppgradering tidtakarutstyr

## **Økonomi**

Valldal IL skal ha ein sunn, god og oversiktleg økonomi. Drifta skal årleg minimum gå i balanse og laget skal totalt ha ledige midlar tilsvarande 50 % av årlege inntekter.

Det skal vere minst 320 betalande medlemmar. Alle som deltek i aktiv idrett for Valldal IL skal vere medlem i laget, andre som brukar laget sine anlegg og tilbod bør sterkt oppmodast til å teikne medlemskap.

Tiltak 2017 --

- vedtekne budsjett for kvar enkelt undergruppe og Valldal IL vere retningsgjevande for drift
- det utarbeidast halvårleg rekneskapsrapport som skal leggjast fram for styret
- arbeide vidare med bruk av Klubbadmin
- det gjennomførast fellestiltak som vil vere med å sikre økonomien i laget
  - Sommararrangement
  - Marknad

## **Informasjon**

Valldal IL skal informere om aktivitetar og arbeid både internt i laget og eksternt. Resultat skal i størst mogeleg grad publiserast.

Tiltak 2017

- oppgradere nettsider
- informasjon som vedkjem Valldal IL distribuerast til heile styret
- på styremøte skal det settast av tid til gjensidig informasjon
- bruk av Facebook
- lokal- og regionalpresse nyttast til informasjon om aktuelle saker, særleg når det gjeld aktivitet
- informasjon om arrangement og tiltak annonserast i lokalavis. Eigne flygeblad kan også brukast

## **Rekruttering – aktivitet**

Valldal IL skal ha fokus på rekruttering av unge til aktivitet og idrett, men også ha tilbod til vaksne på ulike nivå og i ulike aktivitetar. Undergruppene har ansvar sine respektive særiddrettar. Det skal leggjast til rette for at medlemmar i Valldal IL kan utøve sin idrett på ulike ambisjonsnivå

Det m å leggjast vekt på kompetanse mellom leiarar og trenarar. Det er viktig å forhalde seg til norsk idrett sine retningslinjer, spesielt for barneidrett.

Tiltak 2017 –

- Valldal IL støttar opp under tiltak for å auke kunnskapen hos trenarar og leiarar
- utarbeide oversikt over trenarar/leiarar som har fått utstedt politiattest
- idrettskule frå hausten 2017 for aldersgruppa 6-9 år